

祖 聖
言 格 訓 庭

瓜洋序報

訓曰孟子云或勞心或勞力勞心者治人勞

力者治於人朕即位多年雖一時一刻此

心不放爲人君者但能爲天下民生憂心

則天自祐之

光緒三十年九月十一日

第 四 百 四 十 二 册

本局開設天津河北獅子林

本册目錄

宮門抄

上論

奏議 直督袁一件 ○ 江

督魏一件 ○ 豫撫陳一

件

摺片摘要四則

文牘 本省一件

日俄戰紀(二四二一)

新聞 各省四則

圖畫 孔廟第三圖

學報 實業教育方針 ○

戰法學 ○ 科學叢錄三

文編三集
五集各一

天津郵政示第一號

大清郵政總辦為通行曉諭事照得前奉 總郵政司赫憲劄行以郵政遇有創設增改之舉務即隨時曉示衆知等語茲因現行之寄費清單至光緒三十年七月二十二日註銷作廢另有新單任人取閱不取分文仰即前赴就近郵局領取以便至日遵辦無誤特諭

欠癸卯冬季報費

南宮五十四兩

圖路廳一兩二錢七分六釐

涇州四十五兩

豐潤十二兩三錢另八釐

本年六十兩

鄆州二十六兩

肥鄉三十三兩

陸平三十三兩

唐山二十六兩

欠六月至臘月報費

冀州二十八兩

廣平督河府三兩五錢

欠秋冬兩季報費

鉅鹿八十八兩

欠冬季加派併臘月

報費

易州三兩四錢五分

欠冬臘兩月報費

武清二十兩

大興十七兩

長垣三十七兩五錢

順德鹽捕府二兩

欠八月至臘月報費

良鄉四十九兩

房山三十八兩

平泉甯三十九兩

欠臘月報費

永清九兩五錢

靈壽十兩〇三錢三分

新城十二兩

平谷十二兩

井陘十三兩

欠閏月報費

深平三兩 南樂三兩

欠九月報費

承德府二兩

欠十月報費

滄州八兩

欠正二月併冬季報費

豐寧四十三兩五錢

欠八九十月添報二分報費

成安三兩

欠四月添報六分報費

高陽三兩

欠六月至冬月報費

懷柔三十六兩

宮門抄

九月初九日 吏部 翰林院 正黃旗值日無引 見 孫中堂續假二十日 敬中堂謝准其開

缺賞食全俸 恩 召見軍機 本日已刻

皇太后 皇上升 仁壽殿德國使臣穆默帶領德國巡撫都沛祿 覲見

九月初十日京電本日 召見軍機 閣抄奉

上諭順承郡王訥勒赫現已補授內大臣加恩著賞戴三眼花翎欽此

奏議錄要

直督袁奏挑選駐防旗兵分撥常備軍各營補額編伍片

再直隸駐防各旗兵生齒日繁多無所事壯丁置諸閒散未免可惜經臣咨商駐防各旗自二十八年以後陸續按格挑選分撥常備軍各營補額編伍計保定旗兵一百四十八名滄州旗兵六十五名密雲旗兵一百六十名山海關旗兵二百名熱河旗兵一百名均令一體訓練惟熱河旗兵經都統臣奏明咨送北洋配練軍習操年滿回旗不列常額餘照常備軍定章軍律一例辦理合附片具陳伏乞 聖鑒 奏奉 硃批該衙門知道欽此

江督魏奏改設江南實業學堂籌辦情形摺

奏爲改設江南實業學堂謹將籌辦情形恭摺具陳仰祈 聖鑒事竊維強國之道首在富民致富之方不外實業而振興實業莫大於農工商礦四者近年東西各國於振興此等實業學堂孜孜不倦故財力日雄國勢日盛臣自上年抵任以來竊見兩江雖夙稱繁庶而土曠民游商疲工廠多未講求非興實業學堂不足以陶冶人才以爲振興富庶之基查江南舊有格致書院保正任撫臣恩壽在江甯藩司任

內就已撤之高等學堂改設自光緒二十五年開辦以來頗多造就臣以爲格致專主明理實業尤切致用復查去年十一月間管學大臣張百熙等奏重訂學堂章程摺內稱實業學堂有百利而無一弊最宜注重另擬高等中等農工商實業學堂章程先後奏明本年商部又奏設高等實業學堂考取學生入堂肄業是考求實業實爲今日第一要圖江南地廣民稠興辦尤不可緩臣現就格致書院改設江南實業學堂分設農工商礦四科額設學生一百二十名分門肄習並備各科標本儀器材料爲學生考驗之用查格致書院原有學生爲府縣各學堂教習者已不乏人現在堂學生爲數無多中有曾習礦學者於格致之理已有根柢故本堂礦學一科卽以原有學生專門練習其農工商三科另行延聘日本教習技師分班教授先習普通一年再授專門三年四年畢業仍遵 欽定章程參酌損益以免歧異商部於京

師奏設實業學堂係屬高等江南現卽照奏定中等實業學堂功課辦理俾程度相循階級不紊將來畢業考取咨送京師實業學堂考驗升入以資成就方茲時事艱難籌款匪易于格致書院改併辦理既收實業之用復省度地營建之勞誠爲兩益用以仰副 聖明教養民生實事求是之至意惟事方創始

頭緒繁難苟非綜理得人每至有名無實茲查有現辦商務局奏留江蘇補用道劉世珩講求實業曾經派令出洋于農工商各學尤極究心辦事認真核實委令兼總堂務江蘇候補道黎經誥曾隨前出使大臣李盛鐸在日本有年留心學科學堂規制亦極諳悉派委駐堂總辦並加派江甯布政使黃建筦督辦其事以重責成其開辦經費常年支款卽于商務局所儲官商合辦通州大生紗廠息銀借撥濟用所有改併江南格致書院專設江南實業學堂緣由前于奏報通省學堂大概情形摺內業經陳明謹再專摺奏明立案除將章程課目分別開具清單咨送學務處商部外理合恭摺具陳伏乞

皇太后

皇上聖鑒謹

奏光緒三十年八月初七日具 奏

豫撫陳奏請將許州州判移駐繁城鎮以資治理摺

奏爲擬請移駐州判以資治理恭摺仰祈

聖鑒事竊照豫省許州所轄之繁城鎮地方濱臨潁河界

連數縣舟車輻輳水陸交衝素爲商賈薈萃之區五方雜處防範宜嚴近日鐵路開通毗連鎮境保護尤關緊要該處距州城三十餘里鞭長莫及照料難周查有該州州判向駐同城事務無多若將該州判移駐繁城鎮俾得就近稽查彈壓實於地方鐵路均有裨益等情據許州直隸州知州潤芳稟由布政使瑞良按察使覺羅鍾培會詳請 奏前來臣維設官分職要在因時制宜該司等所請係爲慎重地方起見似應量爲移置將許州州判移駐該州繁城鎮以資佐理如蒙 俞允該州判廉俸役食一切均仍其舊無庸另議至應建衙署現在籌款維艱卽令暫賃民房棲止所有擬請移駐州判緣由除咨部查照外理合恭摺具陳伏乞

皇太后

皇上聖鑒訓示謹

奏奉

硃批吏部議奏欽此

摺片摘要

直督袁奏玉田縣請領本年秋季分供應 菩提峪萬年吉地差役錢糧米價等項實銀四百三十兩八錢由司照案撥給奉 硃批戶部知道○署粵督岑等會奏廣東文昌縣知縣陸繼昌試署期滿堪以實授奉 硃批吏部議奏○又奏廣東雷州府同知員缺查有軍功候補同知黃應昌堪以補授奉 硃批吏部議奏○又奏廣東惠來縣知縣朱寶翰病故遺缺查有曾任實缺丁憂服滿候補知縣鄧炳春堪以補授奉 硃批吏部議奏

文牘錄要

故城縣舉辦城鄉巡警大概情形繪送圖說照片稟並批

敬稟者竊維爲政首在安良而安良必先除暴卑職前在津門聽鼓屢蒙 宮保委辦保甲著有成效又習見夫設立巡警尤足以禁強暴而安善良卑縣濱臨運河隔岸卽東省恩縣武城等處地面犬牙交錯素爲盜賊出沒之區而地方之貧瘠民情之強悍早在 洞鑒當此外侮日逼內患日深欲求保安自治之道舍舉辦巡警別無良法查卑縣共轄二百四十村向分八鄉每鄉立有青苗會專爲僱人看守田禾而設辦理未盡妥善卑職於到任之初親歷各境察看惟鄭家口係水陸衝途商賈輻輳爲縣治一巨鎮餘皆邊隅僻處風氣未開籌辦良非易易輾轉籌思非通民情固民氣無從入手用是延集紳商優加禮貌推誠演說發其忠愛之忱喻以合羣之義並告以巡警一事不獨稽察奸宄消患未萌卽鄉間看守青苗保護樹木等事皆可責成巡警實爲保衛商民身家起見使咸曉然有神桑梓無事驚疑一面摘錄省城巡警章程出示曉諭並遴選公正紳董各就地方情形妥籌經費示其辦法卽按八鄉立爲八段每段設立公所各由村衆公舉紳士一二人以董其事應募巡兵由各村甲長首事舉保體質強壯毫無嗜好良民充當造具花名清冊送縣查核視村莊之大小定兵數之多寡令就地紳董酌量稟辦期無苛擾復以鄉民難與謀始樂與觀成先由卑職查照省城定章捐廉興辦以爲之倡於七月十五日在於城內適中之處設立總公所一所並於衝要地方設立分所三處均延公正紳董經理挑選巡兵二十名巡長二名分布城廂內外每日清晨卑職親督操練後仍令分段晝夜輪班站崗不時率同巡長周歷稽查各巡兵均尙樸實耐勞恪遵約束俾各鄉有所矜式此卑職創辦城廂巡警之大概情形也旋據各鄉紳董先後遵辦陸續具報業已一律告竣鄭家口一鎮地處衝要選募巡兵二十名布置尤爲嚴密所有常年經費鄭鎮由鋪商捐輸其餘各鄉卽以舊有青苗會款舉辦城內由紳商合力勸捐已有成數始基既立後效可圖竊計卑職到任甫及匝月得以城鄉一律舉辦此固始願所不及然亦可見各紳之勇於任事矣

伏查歷年各鄉雖有青苗會名目而呈報被竊田禾之案仍層見迭出今自設立巡警以來爲時雖暫竟無報竊田禾以及鼠竊案件現在四境又安商民稱便似已辦有成效堪以仰副 宮保綏靖地方之意除未盡事宜俟卑職親詣各鄉詳加攷察參酌章程再行分別造冊詳陳外所有卑縣城鄉一律舉辦巡警大概情形擬合繪具圖說並城鎮兩處巡兵照片謹先稟呈 宮保查核

督憲袁 批據稟該令以巡警爲地方要政先行查照省城定章捐廉招募巡兵二十名巡長二名分佈城廂內外俾各鄉有所矜式至所轄鄭家口一鎮地當衝要亦經選募巡兵二十名所需常年經費由該鎮舖商捐輸其餘各鄉亦以舊有青苗會欸舉辦仰即督率各紳認真辦理隨時操練巡查務期盜戢民安以收實效如有未盡事宜仍應考察詳報並先將城鎮巡警花名造冊報查圖說照片存此繳

日俄戰紀（二四二）

西十月十七號路透電日前奉天之戰殺戮甚慘日軍雖已得勝東京頗有悲感之象現各國使臣已乘機詢問調停之議△俄國波羅的艦隊二十八艘業已駛過班舍島向遠東進發△奉天訪事來電云日昨雖暫停戰今日在奉天西南十里又復接仗△現得確信俄提督庫魯柏雖喪失三萬人之多尙能救護餘軍脫離危險△俄提督庫魯柏於此次未戰以前曾讚美日軍勇敢異常並能按公法而戰彼謂自彼行軍以來未之見也△奉天來電云俄軍兩枝於西十月十五號與日軍大戰日軍衝抵六次堅不可入其砲隊亦爲俄軍擊退三次旋收隊退過沙河△此次俄軍接戰甚形勇猛但屢次被日軍所敗四下潰散△本報（路透）隨俄營訪事於西十月十六號來電云此次大戰六日較遼陽之役更形猛烈俄軍卒爲日敗而退日軍現將攻入俄之中堅砲火連天益以雨電交加戰場泥淖軍行甚艱

西十月十八號東京官電據大山總司令官電云據我中央軍方面捕虜敵軍武官所述敵情如左 曩

因在奉天一帶由苦將軍所率軍隊已有九軍團之衆俄國皇帝對將軍敷諭曰嗣後我軍決不准退至奉天迤北務須轉守爲攻速將日本軍隊向南擊退以救旅順之急是以苦將軍提舉全軍突出奉天以南意欲攻破日軍將全隊分爲中央及左右三縱隊而其中中央縱隊又分第一第四第五之三軍團薩兒把兒夫將軍統之又其左縱隊以三軍團合成之而斯達別兒克將軍統率進向日本軍右翼隊又其右縱隊以三軍團合成之進向日本軍右翼隊另有一軍團續進中央縱隊之後面其餘利那威知將軍率以烏蘇利地之野戰軍欲遮斷日軍退路由東邊繞至遼陽東南地方又有密斯錢古將軍率以龍騎兵六聯隊共進於利那威知將軍所率隊伍之右側面各進發是役也其第一軍團所屬第三十一師團之損傷甚巨如其中第一百四十五聯隊第一中隊在三塊石山上交戰全沒又第四師團所屬西比利亞豫備步兵第三師團之損傷亦甚此師團各聯隊之戰員原有約四千名惟遼陽之役已減至二千五六百名是役又減多名如第十二聯隊僅剩戰員八百餘名△又接十月十六日大山總司令官報告云高官寨(本溪湖東北約五里)附近之處有少數敵兵被我軍追擊退走于北方於是我追擊隊占取高官寨 當我左翼軍之左縱隊前今晨以來有敵軍來襲者已及六次我軍均擊退之而敵軍每受大傷矣及至日晡敵軍約有步兵五六大隊砲兵二三中隊來攻該縱隊正在激戰中 至十月十五日於我左翼軍一帶各地敵之所棄死屍又增至四千具之譜該軍左縱隊之前尚有棄屍頗多然未追清查

西報聯譯

德文報云俄國波羅的艦隊已駛離里播埠

東京消息日軍在本溪湖大獲全勝現三大

軍仍向前路進攻

日軍衝攻沙谷鋪(譯音)爲俄軍所阻遂大激戰◎法文報云俄京接庫魯柏提督

報告云十二號十三號兩日大戰我中央左翼兩軍仍死守要隘未退右翼軍中之兩枝隊於十二號因力守某要隘死傷甚夥不得已棄砲而退 日本官場謂戰事一時難了或至兩年之久亦未可知◎英文晚報云日本太晤士報謂日軍因病傷在病院醫治者共有四萬五千人內九千人傷病已痊現往各處遊憩而東京大阪及其他各處之陸軍病院中尚有病傷者一萬人現正調治

俄軍戰死處及其人數 據日本大山元帥陽曆十月十五日報告云我右翼軍調查俄軍遺棄死屍甚多茲將其地名及人數列左 本溪湖方面太子河左岸三百五十 本溪湖枝隊前面一千五百 大嶺三百 土門子嶺附近二百 右縱敵方面二百 郭古營(譯音)附近及土門子嶺北方各六百 跟條(譯音)附近三百 汗拉子山(譯音)北方及無名寺附近一百五十 左縱隊方面小達子溝北方附近三百 以上綜計四千五百具尚有未查悉者約共有二萬以外

各省新聞

●革除繳商 兩淮造鹽之法南北不同淮北以池曬鹽淮南以繳煎鹽故淮南有專鑄官繳之商人由來已久近年鹽商困苦屢以繳價昂貴稟請核減曾經淮南總局詳明另招冶匠試鑄新繳每口僅合工料錢七千文減輕大半當奉運司恩都轉批准照辦嗣後無庸繳商承鑄在案旋據繳商會抱和等以承辦多年一旦革除立時失業無以為生等情具稟運轅奉恩都轉批示云查該商等承鑄淮南官繳每口售錢十八千文本年春間通州紳士張修撰咨呈督轅文開每繳一口連加二成規費實需工料成本尚不過五千七百餘文官價太昂請飭各場商自行鑄造等因由院行司諭商遵照本司奉文後因念淮南既有繳商名目必已承辦有年驟令失業不無可憫况場商之不願購買者為其價昂耳不若由司飭局查明鑄造成本每口實需若干諭飭繳商具結遵辦如果不願再行另招是本司初意固將為該繳商保

全恒業也現在鑄鐵成本人所共曉非比從前漫無稽考可以任聽該商紙上鋪張獨據厚利該鐵商果稍知進退不待官爲考核卽當竭力磋磨不圖利令智昏既經總局提調剴切開導而所呈清單刪除淨費每口仍須錢十二千七百餘文該局所雇冶匠汪有明試鑄新鐵三口每口僅合工料錢七千文足見該商惟利是圖錮習不化係屬自外生成當經本司飭局另行招充稟候定案今業已批定允復飾詞曉瀆應自現在起革除鹽務鐵商名目永遠不准復充亦不另招新商接辦嗣後鑄鐵事宜應由本司委員承辦此次試鑄新鐵之汪有明由局取保諭充鐵匠月給辛工專司鑄造其購料一切概不與聞以免爭充仰淮南總局轉諭知照

●派習警察年限 蘇撫端中丞挑選員弁派赴日本學習警察會紀前報刻已明定年限以一年半習警察普通學以一年習警察優級學凡二年半畢業回國

●議辦九南鐵路近聞 江西候補道蔣觀察家駿請辦九江至南昌鐵路並請設彩票已紀前報茲又具稟撫轅以前議彩票中頭二三彩者酌抽三成歸公給予股票恐非衆願擬仍概兌現銀以暢銷路至鐵路股分每股仍定百兩興工之日先付三十兩迨工將及半再交三十兩餘俟竣工全付如能集至五十股者可派一人董事一切規模俱照樟腦公司辦理

●農務日興 湘省自設立農工商務局並另設農務試驗場以爲各屬振興農學之先導曾經擬定章程迭札各州縣遵辦在案茲有益陽縣屬之秀良甲創立農會公舉董董並附設貸耕局先後開辦昨由該甲監生李竹溪等稟請農工商務局立案並懇札縣通飭各甲一體仿辦旋奉批示云該生等所設農會粘附章程頗得鄉團自治之法惟該生等平時鄉望是否素孚辦事是否切實仰候札飭益陽縣據實查明稟覆到日再行核辦




圖 三 第 廟 孔

之於京都地方等以貯金亦不無微意存乎其間京都府及石川縣水產講習所之出品漁具及水產製造品亦足以觀蓋京都府爲饒於水產之地惟其漁獲之法較未進步而其以稻田養鯉法爲水產講習所之一教科目以圖地方產業之開發則於增加地方產物之計實屬要需而而言之我國水產業之於遠洋漁業及水產養殖事業尙幼稚通觀以上之出品當皆以爲然矣此等之振興固關於經濟而於將來之水產業所宜考究尤不可緩我國既爲海洋國占天然之形勝乘一葦風北可達北冰洋南可達南洋重以內地水產之養殖足以充實國力者不少況此等物產多輸出於海外乎然則水產事業之前途有大希望如此而徒主近海漁業待水族之自然增殖或使之減耗又不解漁船運用法不知遠洋魚介之種類是拋棄天然之產物而不之顧也慎孰甚焉

教育雜具

學術上所需之機械器具其進步尙幼稚不足壓倒歐美之製品就物理學上所需

之機械而言。惟能製作電流計等。而其他精巧緻密之物。不能充內國之需要。焉得向海外而圖販賣之擴張乎。如（雷斯）非無成效。然顧製造所之規模。察其製造者之智識。其製品果足誇示商工業界而無所愧耶。不能無疑也。然則不促學理之進步。而欲宣揚國威。不其難乎。然其中非無足怡吾人之意者。如石盤石筆紙製盤。聖筆等是也。此等向多仰給於外。而近年進步不惟防遏其輸入。其輸出東洋諸國者甚多。而如靜岡縣日本樂器製造株式會社山葉寅楠之製品。東京松井真吉製造之（奧爾喀）尤足與外品競爭。又如愛知縣鈴木政吉所製之（巴伊奧林）亦不讓於外品。他如東京高野掠一所製之果實標本等。巧妙已極。足奪天工。惜其人既逝。未卜後起者何人耳。

教授用具。如東京高等師範學校之出品。地文學教授所用之標本。若順序而進。則可了解地球上自然之作用。礦物地質等之標本。亦做大英博物館之物。實爲有益。京都府高等女學校之裝束。著用圖

備歷史國語等之參考

等亦自可觀。至博物學標本。則因

在退却之際。平常砲隊司令官。先下訓令。然後先退。應委老任資深一將校。帶領本隊。雖然每值退却時。若在有效敵火彈界內。猶須自己指揮其部隊。最爲緊要。然在進入別項陣地以先。更須自己檢點爲要。若部隊較大。此際應乘快馬。趕赴別項陣地中。於砲隊未到以先。卽行偵察妥協。方免誤事。

在巧妙。機宜適當之陣地。於偵察時。可謂已占成功之先著。如是分派砲隊偵探之數目。及使用之法。（例如偵察目標）皆由戰況地形而定。又偵探之動作。專以定法爲之。殊非律矣。其法應由慧敏之眼力。戰術之能力。以及馬術之諳練。報告之巧妙。始能期望確實奏功。

在同一陣地。一營以上布置放列時。其地形與戰況。以及敵人之砲火。處處均應預爲顧慮。一隊與一營。或在一線放列。或配成梯隊之式。其距離與間隔。大小均須適宜。故梯隊之互相距離。卽令至大。不可有碍射擊之指揮。又間隔過小。當射擊時。不可妨害前面之梯隊。最爲緊要。

在陣地正面狹小時地形者可爲之則砲隊放列線前後重疊亦可。

第二條 進入陣地

凡砲隊進入陣地其所通過之土地應就行進難易之上自派偵探查看且對敵襲之時須在危險之翼處在通視困難之地形亦須分派偵探自己警戒此等處置委派率領部隊之指揮官任之而在前方砲隊司令官可勉力通過捷徑及無令敵人察覺速行展開之訓示以及所得各種之方法爲要。

統帶顧慮地形與戰況應卽招致管帶限定時期告以配置放列適當之陣地與一切戰鬪之法。

管帶按照統帶之吩咐細定本營放列線當將各隊配置適當至於一隊射擊之目標以及其他放列線遮蔽度進入陣地與射擊開始之時機砲彈補充隊之地位應就此等事件訓示隊官又招致隊官最要之時機亦不可失之過早。

隊官先對目標以行綿密之偵察又判斷陣地分部之選定決定陣地進入之方法。

論英人經營西藏（譯美國一千九百四年七月拿呼美報俄國奧脫耶士克著）

甚矣我俄人之萎靡不振而自失時機以至於今也。夫英人經營遠東今已伸權西藏。卡爾各答（印度都城）之官吏與喜馬拉山之酋長（指西藏）彼此殆將交通而可互市於拉薩。轉入中土。外人在中亞所行政略將必大有更變。夫西藏情事俄人鮮能通曉。惟報章間有言之者。究其實情則俄人實無所知也。

凡知西藏歷史者均謂俄人之於藏事所知甚鮮。俄之部民中有喇嘛數萬。距今已二百年亦與在華之同教者聯合不意歐人在藏考察之舉動俄人竟充耳不聞。果何故也。

一千八百十六年英人派大員駐於廓爾喀之京城（名加德滿都）又有和豆生君者曾考察中亞商情與藏人往來得知教中情實且覓得佛教碑碣於喜馬拉山。今度於倫敦巴黎會以供衆覽者是也。

英政府因欲得地於西藏聖城附近於是在大吉嶺建立英軍營壘一千八百三十五年西金遂以大吉嶺地讓之坎潑培爾君前往整理自一千八百四十年至一千八百六十二年皆守此土各處山居之民移居於是者以數千計乃闢地植茶又與喜馬拉山人互市管轄西金人民建築自大吉嶺至卡爾各答之鐵路大吉嶺遂爲通藏要地至是而印藏交界之實情漸爲歐人所知。

工程師又開大路於山上。而以往寢鼻山谷之支立拉山路爲最優勝。卡爾各答官吏與印度西金王訂約。盡逐匪人。西金王又常往大吉嶺。故與歐人習處無嫌。

藏人守舊之見。自此漸消。有由大吉嶺附乘火車而游卡爾各答者。車價僅收七羅卜。游客以喇嘛爲多。由尼羅赴藏商人。輒以印度報章沿途分送。夫藏人者。樂於貿易。甚願推廣商務。故華人不能再至西藏售貨。蓋藏人皆往西金購買。以其價較廉故也。赴卡爾各答購物者。歲以千計。率於秋間前往。至由印度取道廓爾喀赴藏之路。較之由支立拉山路者。其遠倍蓰。若由西金至德蘇倫堡。爲期不過一週而已。

英人因俄國所征進口稅過重。故不能使印茶運入伊犁西境。以牟利。在喀什噶爾之俄貨。足與英貨媲美。卡利君欲取道於印度運貨至葉爾羌。迤東之地。卒不可得。而由大吉嶺取道寢鼻山谷。赴拉薩之路。最爲捷徑。故商貨日有增加。夫自華運藏之貨。茶爲大宗。惟售價過昂。不能暢售。阿桑與大吉嶺茶戶。每以售餘茶葉。貨之於藏。已足給用。而價值又廉。如此則華茶自必減銷。而大有益於英商也。藏人又樂購印度之米。因較華米爲廉。且又樂購烟草寶石及歐洲貨物。輒以金銀易之。至藏地所產食鹽六畜羊毛藥材等物。不可勝數。若能彼此通市。則英人定必設法以期彼此獲利。不幸由西方所至之人。指俄有喧賓奪主之意。而又橫用強權。圖其所欲也。

護。業。於。大。學。者。僅。七。人。一詹君天佑，今爲北洋鐵路工程師，歐陽君庚，今爲金山領事署譯官，鄭君蘭生，今爲美國某機器廠總理，張君康仁，今爲金山日本正金銀行書記，及容君揆，李君因，富陸君永泉，譚君耀勳，譚君卒業後，未幾逝世，一此美洲留學歷史之第一期也。自後美洲留學界華人幾絕跡者垂二十年。其間爲海上粵東諸教會時或贊助一二學生以習醫求道爲事，若斷若續，其詳不可得而聞。至光緒己亥，始有滬濱約翰書院卒業生二人，一曹君福根，施君肇祥，曹已卒業，今爲安徽大學堂教習，一來美遊學，是爲我留學歷史第二期之先鋒。其明年庚子，南洋公學亦遣學生二人遊美，又明年辛丑，武進盛公宣懷，遂有選送北洋大學生遊美之舉。於是聯。西。渡。者。九。人。我。留。學。界。精。神。爲。之。一。振。先是北洋大學生初次卒業，盛公卽議賞遣遊學，嗣以團匪事中止。是年王君修植，一前北洋大學堂總辦，一張君元濟，一前南洋公學總理，一復言於盛，乃踐前議而北洋大學諸君自費來遊者亦前後相望，皆爲我留學界之健將。一今北洋諸君卒業者已四人，陳君錦濤，王君寵惠，薛君頌瀛，張君又巡也，陳王復晉學士，王以法科第一卒業，超冠西士，尤爲我邦人罕有云。一今年梁公使誠携學生十餘人來，皆入校習專業，非嚮者使館學生以繙譯爲生活者比。湖北官費來者七人，南洋公學王氏育材學堂自費來者四人，踵趾相錯，漸成留學之局。方之近年，東瀛留學之盛相去固尙遠，然以留學西國言，吾美洲留學之風

開通獨早矣。抑不惟此。我華人旅美有年。其子弟生長斯土。就近入西校者。頗不乏人。願數十年來。華人子弟志遠大者。罕。往往繼畢小學校業。卽亟亟謀衣食。畢高等學校業者。殊不多觀。邇來始有一二出類拔萃。入大學攻專業。怵聞宗邦之垂危。華裔之將墜。亦復慨然興桑梓之感。思有以自奮。然則生於外邦之華學生。亦我美洲留學團體中之一大分子也。謹據近日之調查。分列美洲留學人數於左。庶我國之注意於留學界者。可一覽而得其大槩云。

以學級言之。在大學者二十八人。專門學校十四人。豫科及高等學校四十四人。小學校三十人。私塾二十八人。以專門言之。學政治者一人。法律三人。商務五人。農學四人。工程四人。機器三人。博物三人。羣學二人。外國文學一人。紡織一人。音樂一人。醫學十人。牙科一人。(都四十二人。現在豫備。將來擬習者不在內。)

以省分言之。廣東一百十七人。安徽八人。湖北六人。浙江四人。江蘇四人。滿洲一人。福建一人。雲南一人。直隸一人。山西一人。以費別言之。官費十八人。自費一百二十八人。都一百四十四人。(內女學生十九人。)

論曰。曾文正選送幼童出洋之舉。雖事廢於半途。然其第一次之學生。留美幾近十年。少者亦六七年。計所耗國帑當甚鉅。願百二十人中。今日出其所學。効力國家者。不逾十之一。其餘或執役。

得利文洋行

本行開設天津上海香港諸志呢華海參巖等處均設立有年諸班貨物由外洋本機器廠自造磁蘭洋鐘皮套鐘八音盒並留聲話匣單雙桶千里眼磁蘭磨花穿衣鏡梳妝洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也
本行主人啟

戒煙香片茶葉

天津鍋店街錦文齋南紙局代售

本齋謹啓

止咳散

能治咳嗽 外感內發 無論輕重 立見神効 兼治痰喘 肺癆等症



婦科百症 百發百中 至親骨肉 須知本行 有此神藥

笑汁 立止牙痛
清睛水 靈藥眼科
一掃光 立治疥癬

如意丸

將此兩藥 內外並用 舉凡淋症 無不立愈

天津國貨北藥房

滋養葡萄美酒

啓者本公司製宜化葡萄美酒前已運津銷售告竣會蒙中外官商交相推許味甘色美與泰西名釀無殊本公司精益求精不惜工本製造加料極清頭等陳酒批運至京津保定各處分售貨高價廉冀廣銷路以供雅賞如承賜顧請至北京觀音寺華英同德福大柵欄恒義天津宮北寶源亨保定慶興隆零售批發不悞此佈
上谷美酒公司謹啓

天津 瑞林祥元記
北京 綢緞洋貨莊
山東

本號開設(北京前門外鮮魚口外)(天津估衣街中間路北)(山東濟南府院西路北)等處自置綢緞洋貨顧繡粧蟒花素貢絨粧緞以及京廣什貨織絨絨貨各色俱全貨高價廉劃一不二中外紳商賜顧移玉是幸
瑞林祥元記具

天謀得利洋風
津琴音樂公司

本公司創設在中國南北兩洋已有三十餘年矣專辦英美德法諸國頭等名廠新式樂器大小洋琴風琴八音琴等具琵琶絲絃笙管笛簫中外各軍營所用馬步鼓號等器及德勝大小鼓號現中國軍營由本公司購辦者甚多本公司並有頭等洋工匠修理洋風琴音樂機器等物刻有英美各廠託本公司一家經理英仙後美坐不狗相均擬本司承辦批發別家賣者均由本公司購去此式轉轉片唱戲留聲機器比前次轉筒大不相同而且準保永遠不壞其音唱出高過戲台之聲特請中國各省頭等名角演唱京調崑腔山陝梆子二黃時調小曲洋器一應俱全承蒙中外官商所信批發零售購價廉物美 天津紫竹林英領事街九十七號本公司面議可也 出租賃各樣洋風琴等

元隆綢緞洋貨莊

開設估衣街中間路北大牆門面自置綢緞紗羅縐縐粧蟒各種錦緞花素刁絨新式欄杆各種奇衣新花洋氈斗蓬花素線綉閃花羽緞各種布疋零整發售現銀交易格外從廉以昭久遠 謹白
○寄售龍井雨前各種細茶皮絲水烟加料大小皮箱帳匣

天津

煇字山房

本房新刻官板御批通鑑輯覽計五十八本做八函仿殿板校對無訛現今通鑑鉛石印日出不窮書肉
 外錯甚多之弊已蒙海內士商購者特登報章各省學堂委員來人或寄信來津或用粉連紙毛邊紙大
 毛太紙等書若干定期不悞昭工料出售自運尚務學堂天文地理教科書並木板經史子集代士商
 刻木或石印刷印裝訂收買舊書無不備齊購者格外從廉
 針市街便是
 本房主人謹啓

浙杭 永和綢緞南貨局

開設天津北門外鍋店街自置綢緞洋布桂油香貨東西洋貨胡棧
 篋子木梳南貨一概發客貨真價實言不二價 惠顧者移玉是幸

總

理審

學定

務教

科

大書

臣

再版瀛寰全志是編搜集東西與地佳本精心翻譯竭一年之力而成詞旨條暢校訂精詳附圖數百幅精緻美
 校正瀛寰全志是編搜集東西與地佳本精心翻譯竭一年之力而成詞旨條暢校訂精詳附圖數百幅精緻美
 精審定價大洋貳元
 中國歷史教科書
 亞美利加洲通史
 西洋歷史教科書

然每部七角半
 馬氏文通
 亞美利加洲通史
 西洋歷史教科書

致教科書
 生理學教科書
 礦質教科書
 化學

尤為淺顯可為最新化學之
 生理學教科書
 礦質教科書
 化學

物學教科書
 普通珠算課本
 論理學綱要
 理財學精義

消費理極繁博而譯筆極為
 論理學綱要
 理財學精義

東縛每部一冊價洋四角半
 教育心理學
 理財學精義

之用每部一冊洋三角半
 代售處
 上海棋盤街商務印書館謹啓

天津官書局


同保安局自製各省官報多項不備
中外地圖刻洋文賜顧者請至北馬路
南本局購取價極平
天津日本租界
賜澤商店
馬路

本行現運到一種膽寫
版印字印圖輕便異常
且能印出各種顏色鮮
明耀目無論何人皆能
試印是官商必不可少
之物價廉機便另付有
用法詳解一册 賜顧
諸君請先 移玉至本
號一觀是幸

各種
竹器
本行現運到一種膽寫
版印字印圖輕便異常
且能印出各種顏色鮮
明耀目無論何人皆能
試印是官商必不可少
之物價廉機便另付有
用法詳解一册 賜顧
諸君請先 移玉至本
號一觀是幸

本行現運到一種膽寫
版印字印圖輕便異常
且能印出各種顏色鮮
明耀目無論何人皆能
試印是官商必不可少
之物價廉機便另付有
用法詳解一册 賜顧
諸君請先 移玉至本
號一觀是幸

本行現運到一種膽寫
版印字印圖輕便異常
且能印出各種顏色鮮
明耀目無論何人皆能
試印是官商必不可少
之物價廉機便另付有
用法詳解一册 賜顧
諸君請先 移玉至本
號一觀是幸



本行現運到一種膽寫
版印字印圖輕便異常
且能印出各種顏色鮮
明耀目無論何人皆能
試印是官商必不可少
之物價廉機便另付有
用法詳解一册 賜顧
諸君請先 移玉至本
號一觀是幸

天津 日本租界旭街
加藤洋行啓

斷

癮

靈

丹

蓋聞鴉片烟一種人心皆愛凡食物均皆坐而食之惟烟
片烟睡而吸之初時吸二口令人遍體通快癮頭一深以
致骨瘦如柴筋骨痠痛精神疲倦大便不通失業誤事種
種苦狀為害不淺不勝言矣(余)近思善法可使人脫離
苦海製成參茸珠珀五行斷癮內中並無大烟烟灰馬非
等用嬰索花伐之人不受烟積之累其效非常服此丸能
補身而延年壽益永無疾病真當世之妙藥也現已出售
每料洋一元附送十全大補丸五粒服法另有仿單(逢
氏敬白)近今市上臭虫臭藥均無效驗(余)近思一法
秘製奇妙臭虫藥業經出售每匣洋三角不驗不收錢
貴客欲請者請至河北大胡同路口小胡同葉逢伯醫館
便是

橫濱正金銀行

本銀行向在日本開設二十餘年資本金洋二千四百萬圓現收足金洋一千八百萬圓公積金八百五十一萬圓專做仕商匯款押款存款借存利息格外公道存款長期短期利息酌爲等差惟比他行加厚總行設在橫濱又東京神戶長崎英之倫敦法之巴黎美之紐約舊金山以及布哇孟買華則香港上海牛莊北京等處皆有分行凡通商口岸皆有妥實代辦之家倘蒙 仕商欲匯款存款者請至本銀行面議可也特此佈告 天津紫竹林支店估衣街分行 謹白

本報代派處

各省郵政總局分局均認定代派本報凡由郵局訂購者不取郵費

北京琉璃廠橋西路北公慎書局本分局
天津石橋胡同後齊佐周○鄉祠南李茂林保定城內西街本分局
○官書局
開封南書店街本分局
南京東牌樓慶昌錦州同益分報館
濟南官書局
漢口鎮日報館
南昌府城派報處
各州縣驛遞不在此例

西歷一千九百四年十月十九號 禮拜三

輪船出口日期

九月初十日

輪船 協和 往上海 招商局
九月十一日
輪船 遇順 往煙申 招商局
九月十二日
均由紫竹林開

赤金三十七兩一錢五
銀元合公法平銀七錢一分九釐五
化寶銀合九七六津錢二千三百七十五文
銀元合當十銅元八十二枚半

天津開往京榆火車時刻

到山海關	早六點	晚六點	到北京	早八點	晚三點
開	六點	六點	開	三點	六點
到	二十四分	二十四分	到	三十八分	三十分
開	二十五分	二十五分	開	三十八分	三十分